



Broj: 04-40-1-5/20
Sarajevo, 06.01.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 03.01.2020. do 07:00 sati 06.01.2020. godine

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a, dana 04.01.2020. godine u 09:30 sati, od dežurnog u Policijskoj stanici Ilidža, da je prilikom izvođenja građevinskih radova u ulici Butmirska cesta br. 250 pronađeno jedno neeksplozivno ubojno sredstvo.

O primljenoj informaciji obaviješteni su pripadnici Tima za UES Federalne uprave civilne zaštite, koji su istoga dana preuzeli i zbrinuli pronađeno ubojno sredstvo.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo u izvještajnom periodu imali su 1 veću i 20 manjih intervencija. Veća intervencija je bila dana 04.01.2020. godine u 08:45 sati, nakon što je zaprimljena dojava o požaru na krovu kuće u ulici Mitrići br. 28 (Općina Ilidža). U intervenciji je učestvovalo 11 vatrogasaca sa tri vatrogasna vozila. Požar je lokalizovan u 09:12 sati a likvidiran u 11:03 sati. Povrijeđenih u požaru nije bilo.



Manje intervencije su bile na gašenju smeća u kontejnerima (5), zapaljenog dimnjaka (3), smeća u devastiranom objektu (2), manjeg požara u stanu (1), zapaljenog automobila (1), starih automobilskih guma (1), kao i tri tehničke intervencije (dvoje zaglavljenih vrata u stanovima i pomoć nakon saobraćajne nesreće) i četiri intervencije obezbjeđenja (3 tankanja goriva na Aerodromu i 1 spaljivanje dimnjaka).

Napomena: U toku prethodna 24 sata pripadnici Kantonalne uprave civilne zaštite Kantona Sarajevo imali su 5 manjih intervencija: dvije na gašenju smeća u kontejnerima, jednu na gašenju smeća u devastiranom objektu, jednu na gašenju automobila i jednu tehničku intervenciju na otvaranju zaglavljenih vrata stana.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila -3°C, relativna vlažnost zraka 66 % a barometarski pritisak 954 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Zbog praznika pravoslavnog Božića danas od 12 sati do sutra do ponoći, zabranjen je prevoz eksplozivnih materija na području FBiH.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1